



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-11-3-826-12/24

Datum: 30.05.2024.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) i Zapisnika o pregledu i ocjeni ponuda od 29.05.2024.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

**ODLUKU**

o izboru najpovoljnijeg ponuđača

**I**

Najpovoljnija ponuda za robe u predmetu nabavke "Nabavka i postavljanje (izgradnja) vještačke trave na sportskom poligonu u Dolcu, općina Tešanj" po cijeni bez PDV-a od 44.996,70KM (slovima: četrdesetčetirihiljaddevetstotinašestdeset i 70/100 konvertibilnih maraka) odnosno sa PDV-om u iznosu od 52.646,13KM (slovima: pedesetdvijehiljadšeststotinačetdeset i 13/100 konvertibilnih maraka) je ponuda ponuđača Grupa TOP SPORT doo Bijeljina i MAVAS doo Mrkonjić Grad.

**II**

Ponude su dostavljene u otvorenom postupku koji je objavljen na Portalu javnih nabavki dana 02.04.2024.godine pod brojem: 375-1-1-39-3-50/24, obavještenje o nabavci objavljeno u Sl.glasniku BiH broj:24/24 dana 05.04.2024.godina, kriterij za dodjelu ugovora je najniža cijena.

**III**

Obavezuju se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

**IV**

Ponude ponuđača SPORT NET INŽENJERING doo Široki Brijeg i GRASS SPORT doo Tuzla su nepravilne iz razloga što ponuđači uz ponudu nisu dostavili traženu dokumentaciju ili su dostavili dokumentaciju koja nije u formi kako je to propisano tenderskom dokumentacijom, te su ponude u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) odbačene.

**V**

Za realizaciju Odluke zadužuju se Služba za društvene djelatnosti i investicije općine Tešanj.

**VI**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

**VII**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**O b r a z l o ž e n j e**

Postupak javne nabavke za roba "Nabavka i postavljanje (izgradnja) vještačke trave na sportskom poligonu u Dolcu, općina Tešanj" pokrenut je Odlukom o pokretanju postupka broj: 02-11-3-826-2/24 od 22.03.2024.godine, odabran je otvoreni postupak. Nabavka je objavljena na Portalu javnih nabavki

dana 02.04.2024.godine pod brojem: 375-1-1-39-3-50/24, obavještenje o nabavci objavljeno u Sl.glasniku BiH broj:24/24 dana 05.04.2024.godina, kriterij za dodjelu ugovora je najniža cijena, procijenjena vrijednost javne nabavke je 45.000,00KM.

U ostavljenom roku za dostavu ponuda pristigle su 3 (tri) ponude i to: ponuda SPORT NET INŽENJERING doo Široki Brijeg, ponuda Grupa TOP SPORT doo Bijeljina i MAVAS doo Mrkonjić Grad i ponuda GRASS SPORT doo Tuzla.

Komisija za javne nabavke imenovana rješenjem Općinskog načelnika broj: 02-11-3-826-4/24 od 23.04.2024. godine izvršila je dana 13.05.2024.godina javno otvaranje ponuda o čemu je sačinila Zapisnik sa otvaranja ponuda i isti uz Zapisnik o zaprimanju ponuda prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da je 1 (jedna) ponuda formalno ispravna (sadržajno kompletna i ispravnog sadržaja) i da se kao takva može ocjenjivati u skladu sa zahtjevom za dostavu ponuda.

Kako je tačkom 5.1. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude, a kako je u predmetnom postupku samo jedna ponuda prihvatljiva to nisu ispunjeni zakonski uslovi za održavanje E-aukcije, te u Zapisniku sa ocjene ponuda vidljivo rangiranje ponuđača na Konačnoj rang listi ponuđača, odnosno ugovorni organ je preuzeo listu kako slijedi:

#### 1. Grupa TOP SPORT doo Bijeljina i MAVAS doo Mrkonjić Grad

Komisija je kod ocjene ponuda takođe utvredila da dvije ponude nisu formalno ispravne, kako slijedi: Ponuda ponuđača SPORT NET INŽENJERING doo Široki Brijeg, je formalno neispravna iz slijedećih razloga:

- ponuđač je u ponudi na strani 9. dostavio kopiju Potvrde UniCredit Bank broj:SB10-19-4-24-808 od 19.04.2024.godine iz koje je vidljivo da ponuđač ima kod te banke otvoren račun za redovno poslovanje, a iz iste potvrde nije vidljivo da u konkretnom slučaju se radi o glavnom računu kako je to tačkom 13.2.2. tenderske dokumentacije i propisano;

- ponuđač je u ponudi na stranama od 15. do 41. dostavio kopiju dokumenta Laboratorijski test izvješće (na jednom od jezika BiH) koji nije dostavljen na način kako je to propisano tačkom 13.3.2. pod 6) tenderske dokumentacije. Naime ugovorni organ je u tački 13.3.2. pod 6) tenderske dokumentacije propisao obavezu ponuđača da uz ponudu dostavi „laboratorijsku analizu za ponudenu vještačku travu za sportski teren, ista treba da je prevedena i ovjerena od strane sudskog tumača na jedan od zvanična tri jezika u BiH“;

- ponuđač je u ponudi na stranama od 42. do 44. dostavio dokument nacrt ugovora, isti nije potpisan/parafiran od strane ponuđača, kako je to propisano tačkom 26. tenderske dokumentacije.

Ponuda ponuđača GRASS SPORT doo Tuzla, je formalno neispravna iz slijedećih razloga:

- ponuđač je u ponudi na strani 9. dostavio Obrazac za cijenu ponude, isti je popunjen pogrešno, naime u tački 1. obrasca za cijenu „Nabavka, dovoz i ugradnja pjeskovitog materijala za pripremu prije ugradnje umjetne trave. U cijenu uračunato sve potrebne radnje prije postavljanja umjetne trave (valjanje, nabijanje) granulacije: Ø 0-4 mm debljine 3 cm Ø 4-8 mm debljine 8 cm“, Jedinična mjera su m3, kod stavke „Ø 0-4 mm debljine 3 cm“ upisan količina je 20,00 a jedinična cijena u KM bez PDV-a je 52,63 a kod stavke „Ø 4-8 mm debljine 8 cm“ upisan količina je 75,00 a nema upisane jedinične cijene što čini Obrazac za cijenu ponude pogrešno popunjenim odnosno neispravnim u skladu sa članom 17. stav 5. Uputstva za pripremu modela tenderske dokumentacije i ponuda (sl.glasnik BiH broj:90/14);

- ponuđač uz ponudu nije dostavio dokument „Izjavu potpisanu i ovjerenu od strane ponuđača da raspolaze tehničkom opremom (lična ili iznajmljena) potrebnom za realizaciju predmetnog ugovora (postavljanje vještačke trave)“ koja je propisana izmjenom tenderske dokumentacije koja je postavljena na Portal javnih nabavki aktom broj: 08-11-3-826-4/24 od 17.04.2024.godine.

Ponude ponuđača SPORT NET INŽENJERING doo Široki Brijeg i GRASS SPORT doo Tuzla su nepravilne iz razloga što ponuđači uz ponudu nisu dostavili traženu dokumentaciju ili su dostavili dokumentaciju koja nije u formi kako je to propisano tenderskom dokumentacijom, te su ponude u skladu sa članom

68. Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) odbačene.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom načelniku Općine Tešanj (Zapisnik o pregledu i ocjeni ponuda broj: 08-11-3-826-11/24 od 29.05.2024. godine), da se u predmetu javne nabavke roba "Nabavka i postavljanje (izgradnja) vještačke trave na sportskom poligonu u Dolcu, općina Tešanj" donese Odluka o izboru najpovoljnijih ponuđača i da se kao najbolje ocijenjene prihvatljive ponude za robe izabere ponuda ponuđač Grupa TOP SPORT doo Bijeljina i MAVAS doo Mrkonjić Grad kako je to navedeno u tački 1. ove odluke, te da se sa istim zaključi ugovor u skladu sa ponudom navedenog ponuđača za robe predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) kao najpovoljniji izabran je ponuđač Grupa TOP SPORT doo Bijeljina i MAVAS doo Mrkonjić Grad sa cijenom bez PDV-a od 44.996,70KM (slovima: četrdesetčetiri hiljadedevedesetstotina devedesetšest i 70/100 konvertibilnih maraka) odnosno sa PDV-om u iznosu od 52.646,13KM (slovima: pedesetdvijehiljadešeststotina četrdesetšest i 13/100 konvertibilnih maraka) kako je to navedeno u tački I ove Odluke.

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14 i 59/22).

**Doostavljeno:**

1. Ponuđači x 3,
2. Služba za društvene djelatnosti i investicije,
3. web stranica općine, elektronski,
4. Predmet.

*Suad Huskić*

OPĆINSKI NAČELNIK



mr. sci. Suad Huskić

